


Poëtar polono-latini. 1720.

Schonei Andree. Palaemon seu Promni-
um Crasinum in tumultu bellico con-
servatum

Crausiar typis Andr. Petrowsii. 1589.

1720. 1/1

4617





Poc. 1520.

PALÆMON,
S E V
P R O M N I C V M
C R A S I N I A N V M,
I N T V M V L T V B E L L I C O
C O N S E R V A T V M.

*Ad Reverend: D. Stanislaum Crasinium
Archidiaconū Cracouiensem. etc. etc.*

*ANDRÆ SCHONEI Glogouien: publici in Acadē
mia Cracouiensi Professoris.*

C R A C O V I Æ,
Typis Andreę Petricouii. 1 5 8 9.

STANISLAO CRASI-
NIO MOECENATI SVO.

Andreas Schoneus.

*Vivis Crasini nobis, benefactaq; vivunt,
Incultum, at memorem, nunc Corydona cape.*



Com. Bu. 4677

P A L Æ M O N,
S E V
P R O M N I C V M
C R A S I N I A N V M,
I N T V M V L T V B E L
L I C O C O N S E R V A T V M.

Meliboens , Corydon.

Quid video? Promnicumnè? aut vestigia fallunt Melib,
Deuia, & ignota deerro regione viaque?
Cuius agri hi pingues & culta noualia? cuius
Hæ saturæ pecudes? noua quæ domus emicat illic?
Sed video ecce greges inter Corydona iacentem.
Dic quibus in terris? cuium pecus, aruaq; cuius?

Quid vis? fortè tibi caligant lumina Bacho, Coryd.
Aut lupulo, quasi non hac ibas creber in urbem,
Ipse ego te toties vidi. tenet ista P A L Æ M O N
Prædia, P R O M N I C V M nostri dixere priores.

Nescio, quæ nostros vlulabat fama per agros, Melib,
Omnia circa urbem rura ignibus hausta, casâsque
Omnes in cinerem versas, volucremque fauillam.

A ij

Vidimus

Vidimus ipsi etiam in cœlis incendia magna,
Flammarumq; procul longos splēdescere tractus.
Insuper Agricolæ Cererem dixere capillis
Impexis, similem bachanti errasse per agros,
Atquē impleſſe omnes lachrimosis vocibus auras.

Coryd. Audieras & facta hæc sunt; quis crederet ante?
Huc illuc oculos iacta, tristesq; ruinas
Aspice, vbi stabant prius horrea, tecta, domusq;
Nunc nihil est; squalent luctu, mœstoq; vlulatu
Omnia, quis parcat lachrimis hæc talia cernens?
Illa vbi nunc trabibus constructa palatia pictis?
Illi vbi tot varijs halantes floribus horti?
Herbisq; ignotis, peregrinaq; arbore pulcræ
Vrbis deliciæ? furor atque licentia sæui
Militis, hæc foedè turbarunt omnia. nostro
Milite non vidi quicquam petulantius. ecce
Alta domus retrò, visu pulcherrima quondam,
Quàm foeda apparet, tristis sine nomine moles,
Imbribus, & pluuijs, ventisq; obnoxia cunctis;
Illa Palæmonem magnum recreare solebat
Æstate: eius ibi sedes & regna fuere
Rustica: quò tota vrbs iuuenesq; senesq; ruebant
Lucibus effusi festis, Phœboq; sereno.

Melib. Sed quæ tanta fuit præsentis causa salutis,
Tela inter media, atque hostes, vicinaq; damna?
Ipse

Ipse Deus Melibœe, & Heri nomenq; decusq;. Coryd.
Omnia seruarunt, quod non sperare licebat,
Nobis: salua domus, salui cum Coniuge nati
Dulces, salui horti, cumeræ, granaria, sepes:
Ecce greges ouium pingues, plenisque capellæ
Vberibus, lætæ en segetes & aratra, bouesque.

Ecquis herus vester, cui parcere nescius ipse Melib.
Mars parcit? nouitnè hominum discrimina miles?
Nā neq; nos, quamuis lōgè absumus vrbe, malorū
Exortes fuimus; quid sit bellum impiū & hostis
Atrox, cum gemitu expertus; sensere rubentes
Isti oculi, pallorque oris: sensere perusta
Horrea, balantesque agni, rus denique totum.

Non illum nosti? fama super æthera notus, Coryd.
Hunc siluæ, luci que sacri, montesque loquuntur
Omnes, hunc arbuſta ſonant, fontesque lacusque.
Et quod mireris, tenet ille ingentia in vrbe
Tecta, domi templum est, fumantq; altaria ſemper,
Quæ nuper ſolido erexit de marmore: cuncta
Auro ibi & argento ſplendent, pictisque tapetis.
Sic habuit fratrem, cuius ſacra tempora circum,
Infula fulgebat, gemmis auroque decora,
Stultus ego, vt vidi lucem flammamque putabam.
Non illo inferior noſter; nam nomina magna
Nescio; turba illum vocat Archidiaconū, agreſtis,

Custodem atq; Decanū alii, magnumq; Scholarū
Dicunt patronū: sunt qui quoq; Episcopū eundem
Aut esse aut fore cōmemorant. Sed qd moror istos
Ignotos titulos; illum venerantur, honorant
Omnes, & primo folio dignantur vbique.
Hic quoq; amat nostrā, quamuis sit rustica, Musā,
Sæpeque coram illo calamos inflammas agrestes.
Ipse etiam in siluis imitatur Pana canendo,
Et leges & iura sonat, charamque Deorum
Progeniem Astræam diuino carmine dicit,
Discordes animos, aduersaque pectora mulcens.

Melib. Fortè quoq; ille tenet villas, & prædia bina
Non procul à nobis; illis felicibus aruis,
Semper ubi Agricolaë, fœcundis horrea complent
Messibus, & lætas pascunt armenta per herbas.
Afsiduè surgunt illic noua tecta, domusque,
Diruta cum stabulis, antiqua mapalia cuncta,
Vrbem fortè nouam statuet: viuaria lambunt
Vndique agros, vix tot vehit ingens vistula pisces.

Coryd. Aut dōini haud similes vestri, dic obsecro quales?
Cur properas, nondū redeunt ad mulctra capellæ.

Melib. Quantū humiles inter salices, altè emicat ilex,
Quantum agni cedunt tauris & matribus hœdi,
Tantū inter procures effert sublime PALÆMON
Os humerosque, illique omnes me iudice cedunt.

At nostri


4
At nostri quales; rigida nos compede stringunt,
Seruitioque premunt duro, sævisque rapinis,
Non secus ac si hostes essent, Mosciq; Getæque,
Expilant miseros, spoliantq; vorantq; necantque.
Haud opibus tamen immensis & diuite crescunt
Censu: nuda illos æquè vt nos, vexat egestas.
In tenues abeunt ventos, nubesque fugaces
Cuncta Deo irato; vel enim luxuque feraque
Ingluue rem omnem perdūt, vel perfidū & audax
Agmen seruorum manibus furatur auaris.
Non tecta instaurant, veteri collapsa ruina,
Omnia foeda iacent, multum nocitura nepoti:
Consumunt nondum sata arataque, spesq; futuras
Vendunt, decipiunt alios, artesque doloque
Nectunt innumeros, fuluo potiantur vt auro,
Thesaurosque ima moueant tellure repositos.

Ergo tuū semper tollemus ad astra PALÆMON Coryd.
Nomen, & in cœlos pariter tendemus vtrasque
Palmas, vt longos numeres feliciter annos.
Ecce tuis aris violasque rosasque quotannis
Ipse feram, spargamq; alijs beneolentibus herbis,
Addam pruna, pyra atque nuces & mitia poma.
Namque alij plenis vicini ab ouilibus agnos
Crescentesque ferent vitulos, taurosque litabunt.
Hæc tibi semper erunt, dum ferro scindet arator
Terram,

Terram, dum falices carpent frondesq; capellæ.
Utq; STANISLAO, tibi sic pia vota feramus
Post tua fata utinam, sisq; omnibus alter ab illo.

Melib. O si vnus vestri gregis essem; mallem ego vobis
Pascere oues custos alienas, falceq; dura,
Sole sub ardenti flauas succidere aristas,
Quàm proprias alibi segetes curare, pecusq;.
Hic ego vobiscum dulci consumerer æuo,
Nec mihi triste foret pallenti occumbere morti.
Iam mihi per saltus videor, per prata, per hortos,
Perq; greges vestros, properatis passibus ire.
Omnia vendam ergò, cum rus ex vrbe redibo,
Inq; tuos migrabo agros, fundumq; PALÆMON.





There is a small, dark, rectangular object
in the center of the page, which appears to be a
stamp or a mark of some kind.

It is located in the upper half of the page, and
is surrounded by a faint, circular border. The
object is dark and has a rectangular shape, which
is unusual for a stamp or a mark of this kind.
The border around it is faint and circular, and
the overall appearance is that of a stamp or a
mark of some kind.

